

佛說大方廣十輪經

第七

九十七
弔七

47741



元祿九年丙子二月日重脩

皇國聖業 固 帝 漸 綴 昌

佛日增輝 懋 輪 常 轉

山城州天安寺法金剛院置

Large stylized seal or character, possibly a monogram or a specific character in a calligraphic style, overlaid on the dragon illustration.

佛說大方廣十輪經卷第七

失譯今附北涼錄

遠離譏嫌品第九

余時金剛藏菩薩復白佛言世尊云何菩薩
摩訶薩於聲聞乘辟支佛乘不生譏嫌於諸
菩薩亦無譏嫌云何於如來聲聞眾中成器
不成器得無譏嫌於大乘道常善修行云何
得利智一切三昧諸陀羅尼及諸地忍云何
得昇進不退轉法云何常得善知識云何常
得不離佛法供養眾僧及諸菩薩云何於善
根不生猒足云何於菩薩行願得無猒足余時
世尊告金剛藏菩薩言善男子菩薩摩訶薩

吊



有十種輪若有成就如是輪者則於聲聞辟
支佛乘無所譏嫌乃至於菩薩乘亦無譏嫌
若於如來聲聞衆中成器不成器者悉無譏
嫌常得昇進不退法輪而於大乘亦得增長
無所闕失常得禪定諸陀羅尼及諸地忍不
離佛法供養衆僧及諸菩薩求於善根悉無
猷足得堅固精進發無量行願過去所作一
切惡業皆以賢聖金剛地智令使永盡悉得
究竟一切現在所有惡業皆使無餘更不復
作能速成就無上法輪七覺意寶而無猷足
能除一切衆生結使人所依止善男子譬如
轉輪聖王若欲行時寶輪最在其前其餘諸

寶皆悉隨後能滅一切諸四天下衆生濁惡亦令四天下一切人民身意受樂菩薩摩訶薩亦復如是若成就十輪於聲聞乘無所譏嫌乃至一切衆生亦依止而存善男子譬如大車具足四輪多人依止乘於正路邊有塊石衆草乃至根莖華果爲輪所踐皆悉消滅如是菩薩摩訶薩爲諸衆生若有障法一切罪業輾斷消滅令不受報善男子譬如劔輪悉能斬截怨敵等首旣斷支節手足更不任用菩薩摩訶薩若能成就如是十輪一切六趣欲界諸惡皆悉斷除令盡無餘不復受報善男子譬如五日出時一切四天下大地所

有水處無不乾竭如是菩薩成就十輪能為
衆生除諸業障及障法等罪衆苦根本一切
消滅譬如風灾起時四方大風一時俱起能
吹一切大石諸山皆為微塵如是菩薩摩訶
薩能成就十輪為諸衆生同共依止今四倒
山結使諸業障法重罪滅苦根本今得無餘
善男子譬如師子王若欲吼時一切畜生諸
衆生等皆悉怖畏如是菩薩摩訶薩亦復如
是乃至外道及諸異學惡知識等皆令驚畏
忘失言辯善男子譬如釋提桓因以軍圍遶
手執金剛杵破壞阿脩羅如是菩薩摩訶薩
成就十輪者一切倒見外道之屬惡知識等

皆悉壞滅善男子譬如如意寶珠著高幢上
兩種種寶如是菩薩摩訶薩成就十種輪者
能持戒幢雨衆法雨以施一切無量衆生善
男子譬如夜闇明月出現滅一切闇若有一
切迷失道者今得正道如是菩薩摩訶薩成
就十輪者無明黑闇如此衆生失八正道亦
爲衆生說種種法今其照明盡諸苦際示八
正道善男子譬如日初出時一切穀米皆悉
增長諸華開敷及諸藥穀盡得成熟雪山消
流諸河充溢以漸次第滿於大海如是菩薩
摩訶薩成就十輪者但調伏戒慈悲炙暖故
爲諸衆生說無量法能生善根種種華果一

切結使業報惡行及邪見山悉得消滅乃至
究竟證於涅槃一切妙果無不悉得信戒施
聞慧無量三昧如是次第猶如大河以漸滿
足以漸滿故能令衆生入於無畏涅槃之城
善男子云何名菩薩摩訶薩十種輪者所謂
十善是也菩薩成就此十輪故乃能成熟一
切衆生菩薩以離殺生故能令一切衆生無
驚無怖無有一切憂悲苦惱善根成熟具足
果報若於前際流轉六趣沒生死河以如是
等不殺生因緣先世所作身口意等惡業諸
罪一切煩惱能令衆生障於正法自作教他
作乃至見作隨喜受持如是不殺輪故皆悉

輾壞一切惡業障礙罪報令無有餘亦以不
殺因緣能令一切諸天人等皆生愛樂無有
疑悔壽命得長臨欲終時所愛妻子及諸眷
屬悉皆圍遶身不受苦乃至神逝所往之處
終不見閻羅王及諸獄卒若臨死時遇善知
識清淨持戒心樂福田捨此身已得生人中
諸根聰利復值善知識清淨持戒常樂福田
斷除諸惡而求一切大菩薩行入深智海遠
得菩提其所生處常離刀杖諸惡國土壽命
長遠自在淨國離諸驚怖如彼佛壽無量無
邊亦復能作如是壽命爲諸衆生說法教化
乃至佛涅槃後令法久住善男子是名菩薩

摩訶薩最初輪也菩薩若成就此輪於聲聞乘
辟支佛乘無所闕失於一切如來聲聞弟子
亦無闕失不退大乘一切三昧諸陀羅尼及
諸忍等到於一切自在之地常隨善知識佛
及菩薩得聞正法供養衆僧植諸善根恒無
厭足修諸菩薩一切行願亦無厭足何以故
過去諸佛於此十惡皆悉遠離於一一惡不
善業等亦不讚歎以是之故善男子於此十善
若能守一善業以如是相所獲果報亦如前
說復次善男子菩薩摩訶薩修行不盜能施
一切衆生無驚無怖無畏亦無愁惱已所有
物如法飲食資身財業恒求一切如法利益

無非法欲以此善根行業果報假使曾於六
趣流轉沒生死河以不盜力故身口意業所
作衆罪能障正法乃至財業等障自作教他
見作隨喜以不盜輪皆悉輒除令無有餘亦
令人天一切愛樂而無疑悔乃至臨命終時
妻子眷屬一切圍遶身不受苦若命終後神
逝所往不見閻羅王及諸獄卒恒遇所愛諸
善知識持戒清淨心樂福田乃至能離一切
惡法成就一切無量善法隨所生處得大財
業有財業已能離怖畏而悉不與水火賊共
乃至到於菩提悉得衆寶嚴飾佛國寶樹具
足無我我所無取無著成就一切衆生行業

無我所無所受無壽命無衆生而悉調伏於
彼佛國善男子是名菩薩摩訶薩第二輪也
若菩薩成就此輪於聲聞辟支佛乘悉無闕
失乃至如來聲聞弟子亦無譏嫌而自於彼
摩訶衍乘無有馱足悉得一切諸三昧門及
陀羅尼忍地亦不捨於一切誓願復次善男
子菩薩摩訶薩終身遠離邪淫一切衆生皆
爲欲流之所沉沒而能施於無畏無嫉無熱
惱害於已妻色恒生知足無非法欲以是善
根果報力故若有宿世邪淫果報六趣生死
流轉諸有自作教他見作隨喜而今悉離諸
邪淫輪輾斷惡業令無有餘乃至成菩提道

生於淨國無女人處第一清淨彼諸衆生皆
悉化生不從父母和合受身善男子是名菩
薩摩訶薩第三輪也菩薩摩訶薩成就此輪
乃至不捨一切願行復次善男子菩薩摩訶
薩盡其形壽離諸妄語常隨順語以是因緣
人天歡喜乃至逮得菩提不諂衆生而生其
國所言真實無有虛偽是名菩薩摩訶薩第
四輪也若菩薩成就此輪乃至常求一切菩
薩願行而無厭足終不暫捨復次善男子菩
薩摩訶薩於終身中常離兩舌乃至以此善
根至成菩提調伏衆生修六和敬來生其國
皆共一心互相恭敬而無違失修質直法善

男子是名菩薩摩訶薩第五輪也菩薩摩訶
薩成就此輪乃至常求菩薩行願無有厭足
終不暫捨復次善男子菩薩摩訶薩遠離惡
口乃至成就菩提耳終不聞不適意事常生
佛國恒聞種種柔軟人聲及音樂聲聞諸法
聲周徧佛國志念成就梵音清澈如是衆生
來生其國善男子是名菩薩摩訶薩第六輪
也若有菩薩成就此輪從初發心乃至成佛
恒求菩薩一切行願而無厭足終不捨離復
次善男子菩薩摩訶薩於其終身遠離綺語
乃至菩提常於佛國聞諸菩薩摩訶薩百千
法音周徧佛國而恒遠離一切綺語成就無

量善善語法語如是衆生來生其國善男子是
名善菩薩摩訶薩第七輪也若善菩薩成就此輪
乃至善善提常求善菩薩一切行願而無厭足終
不暫捨復次善男子善菩薩摩訶薩於其終身
遠離貪欲乃至善善提常生淨國地平如掌衆
寶充滿亦以寶樹而嚴飾之復有若干種無
價寶衣瓔珞幢幡金繩珠瓔於彼世界種種
莊嚴羅網寶樹彼中衆生遠離憍慢我心貢
高顏貌端嚴諸根具足其心平等如是衆生
來生其國善男子是名善菩薩摩訶薩第八輪
也若善菩薩能成就此輪乃至善善提恒求善菩薩
一切行願而無厭足終不暫捨復次善男子

菩薩摩訶薩於其終身遠離瞋恚乃至菩提
悉除一切垢惱穢濁塵雲暴風於彼淨國無
諸濁惡斷除憍慢生彼國已形色端正相好
第一諸根不缺禪定慈悲以自嚴飾如是衆
生來生其國善男子是名菩薩摩訶薩第九
輪也若菩薩成就是輪乃至菩提恒求菩薩
所作願行而無厭足終不暫捨復次善男子
菩薩摩訶薩於其終身遠離邪見復能以此
離邪見輪令諸人天一切愛樂若有衆生流
轉六趣沒生死河如是人等起身口意一切
業障及煩惱障而障正法自作教他見作隨
喜以此離邪見輪輾斷業結令滅無餘妻子

眷屬圍遶左右臨命終時身不受苦神逝所
往亦終不見閻羅王等及諸獄卒隨善知識
持戒清淨心樂福田恒生正信命終之後得
生人中亦與善知識及諸持戒福田之人而
相遭遇還相依止令得正見為善知識之所
教授修習善法恒離一切不善等惡於諸善
根皆悉成就一切菩薩所行之道無不修習
以是因緣能度一切衆生入摩訶衍正法大
海乃至得菩提道一切疑網及諸吉相常見
斷見離我我所見如此衆生來生其國壽命
無量悉同法味皆是大乘棄捨聲聞辟支佛
及諸天魔一切外道并魔眷屬皆悉已離如

是等惡來生其國彼佛壽命無量無邊恒於
其中而作佛事般涅槃後令法久住無所損
減而更熾然皆悉一味善男子是名菩薩第
十輪也若菩薩摩訶薩成就此輪於聲聞乘
辟支佛乘不生譏嫌及二乘人亦無譏嫌乃
至大乘亦復如是於大乘人能令增廣熾然
三寶於諸如來聲聞弟子成器及不成器者
亦無譏嫌而能莊嚴摩訶行道一切三昧諸
陀羅尼乃至忍地恒善修學證勝進法不離
諸佛及大菩薩善知識等聽法信受樂供養
衆心無厭足求諸善根終不暫捨菩薩所行
六波羅蜜亦無厭足善男子若能成就如是

十輪者菩薩摩訶薩疾成無上正真道覺何以故過去諸佛修行十善離一切惡能現如是種種果報因緣無量相貌且菩提道悉斷一切煩惱結使盡竭三惡皆使無餘是故能令紹三寶種久住於世常得熾然使不復受三有之身向於涅槃為斷陰入界等入無畏城以此遠離十惡因緣具足果報如上所說以是義故善男子若於此十善不修一者求於佛道而復自言我是大乘皆應當得無上菩提如此之人是大妄語多行諂曲種種欺誑於諸佛所能斷一切衆生善根趣向三惡是故善男子具足十善刹利大姓婆羅門大

家四天王天乃至非想非非想天聲聞乘辟
支佛乘修行如是十善功德悉能具足阿耨
多羅三藐三菩提故善男子以此十善而自
莊嚴求無上果修學大乘疾成佛道者此則
安立一切功德善根處所若能守護十善便
於善根誓願滿足成無上道今時世尊欲重

宣此義而說偈言

以十輪覺悟

欲離一切苦

不應譏聲聞

惱著袈裟者

隨順緣覺乘

信心勤精進

安樂諸衆生

而受行大乘

一切諸緣覺

覺了最勝法

淨修於佛道

速證得菩提

遠離於殺生

人天皆愛念

生生得長壽

善修無害業

一切所生處

常樂於佛法

親覲世尊者

速證得菩提

若離於偷盜

一切智所敬

悉滅諸慳貪

守護不盜戒

生處常大富

為他作施主

而得嚴淨國

以眾寶莊嚴

滅除煩惱穢

乾竭於愛欲

能遠離邪淫

速得清淨國

永離欲淤泥

解脫淨眾生

令入於大乘

由離邪淫故

欲得聖智者

讚歎於實語

棄捨諸妄語

悉滅於苦惱

究竟得實語

常值於諸佛

速疾成菩提

遠離妄語故

堪任為善器

而遠離兩舌

常與諸佛會

永捨於諸見

得聖無染者

建惣持辯才

能知深法海

不久得菩提
衆生所愛樂
菩薩之法將
智者所愛敬
所說皆覺了
供養諸佛海
不壞於正法
常生清淨國
第一無上乘
速疾得禪定
遠離一切過
專一修純信

常說柔軟語
能滅先世業
悉知諸佛行
遠離於綺語
欲聞尊賢教
速得一切智
供養染衣者
法將之住處
常行於慈心
志樂賢聖行
隨佛所住處
遠離諸邪見

遠離於惡口
令衆生歡悅
得入第十地
具足五功德
及與求聖道
一心除貪嫉
熾然三乘道
於彼獲妙智
遠離諸瞋恚
生於清淨國
永離一切瞋
顯示三乘道

是名法供養

免離於惡趣

解脫值賢聖

具足菩薩行

逮得最上智

安住而說法

能成於菩提

三昧揔持忍

皆由十善故

具足輪威德

悉輟除惡趣

盡滅業結障

疾成正法將

佛說大方廣十輪經布施品第十

復次善男子若成就十輪菩薩摩訶薩從初發心一切五欲皆悉捨離勝於一切聲聞辟支佛人亦能為彼二乘而作福田何等為十常行布施所謂飲食衣服象馬輦輿乃至己身手足頭目髓腦耳鼻皮膚骨肉一一皆捨若行施時不著軀命亦不為已求世間出世

間樂恒念度脫一切衆生修大慈悲巧方便
智如是心施於諸衆生爲令一切皆得安樂
故施爲滅一切衆生結使故施不受後有故
施不麁心故施無嫉妬故施乃至最下乞人
亦如是施不爲受報故施不求聲聞辟支佛
故施求一切種智故施乃至一人亦常如是
修行於施是名菩薩摩訶薩心施成就初輪
莊嚴法施如是菩薩從初發心能爲一切聲
聞辟支佛作大福田應當守護恭敬供養何
以故一切聲聞辟支佛爲斷已身三惡趣貧
但自饒益而不爲他修行布施菩薩摩訶薩
爲斷一切衆生苦惱以大慈悲哀愍心施是

故能為聲聞辟支佛而作福田不為於已而
求果報惟為最上第一樂故常行於施終不
染著人天生死五欲樂故修行於施而為利
益一切衆生不念自身所受善惡修行於施
為斷一切衆生苦報修行於施菩薩能如是
行檀波羅蜜故堪任為聲聞辟支佛福田若
不染著世間五欲而為具足大慈大悲能如
是施名為菩薩摩訶薩亦名聲聞辟支佛福
田假設修行無量布施若不斷於世間五欲
不名為施亦不名菩薩不能與聲聞辟支佛
作大福田不為賢聖所印是故應斷五欲無
染著施若染五欲則不名菩薩亦非福田如

斯施者不能滅於煩惱少分何況能除一切
結習尔時世尊欲重宣此義而說偈言

成就於施輪 智者清淨心 盡離於五欲

令眾得妙樂 乃至施少分 皆為除眾苦

不令受少果 應獲上福田 雖復種種施

而不離五欲 此施非聖印 不墮決定聚

捨欲而行施 施微而報重 聲聞辟支佛

俱以為福田 是故應離欲 常為清淨施

安樂諸眾生 是名真福田

復次善男子菩薩摩訶薩有十種法施輪若
能成就十種法施輪者速疾得日光三昧能
為一切聲聞辟支佛作大福田何等為十所

謂依止佛法依止聲聞法依止辟支佛法依止摩訶行法依止世間出世間法依止有漏無漏法尊重恭敬一切聽受隨順受持爲他廣說若爲聲聞人說應四諦法究竟涅槃而無嫉妬憍慢之心不爲利養一切名稱亦不自舉亦不輕他恒爲一切發大慈悲分別演說不爲說辟支佛法及與大乘若爲辟支佛人說應十二因緣法離老病死得盡苦際都不爲說聲聞小乘菩薩等法若爲大乘人說應六波羅蜜具足諸行證無上道亦不爲說聲聞辟支佛法但隨諸衆生所應修行而爲說之於諸如來所演言教乃至一句一偈恭

敬尊重重終不誹謗亦不隱沒而作障礙於說
法人作世尊想於聽法者作病人想於正法
中作妙藥想棄捨五欲為欲說法心常平等
而不取相善男子是名菩薩摩訶薩十種法
施輪也若菩薩成就如是十種法施輪者便
速疾得日光三昧能為一切聲聞辟支佛作
大福田常為一切守護供養尔時世尊欲重
宣此義而說偈言

智者修法施

演說於三乘

不堪法器者

終不令謗法

聲聞及緣覺

多人而修習

辟支佛利智

教令入大乘

但為成法器

非器不妄說

隨諸根利鈍

漸教令昇進

於法常恭敬

信受不誹謗

有能說法者

供養如世尊

聽法諸衆生

令滅於煩惱

不貪著名譽

利養而說法

佛說大方廣十輪經持戒品第十一

復次善男子菩薩摩訶薩發大莊嚴具足戒

輪若成就此輪從初發心遠離五欲於聲聞

辟支佛中第一最勝為大福田皆應供養而

守護之何等為菩薩摩訶薩莊嚴戒輪善男

子菩薩摩訶薩有能出家受其具足成就波

羅提木义而不與聲聞辟支佛共若菩薩不

以此戒能為衆生除諸煩惱一切邪見是則

不名為摩訶薩亦不名為聲聞辟支佛大福

田也善男子若菩薩摩訶薩於一切衆生心
常平等護持淨戒志念堅固而不退轉心恒
專一不生異想若見持戒破戒慳貪布施上
中下等有若干種無量衆生瞋恚惱害行住
坐卧於三有中陰入諸界而無分別如是持
戒不著欲界持戒不著色無色界持戒不分
別觀察有想持戒不爲到不到故持戒善男
子菩薩摩訶薩以如是相貌發大莊嚴清淨
戒輪從初發心常離五欲如是菩薩摩訶薩
則能爲一切聲聞辟支佛作大福田亦爲衆生
守護供養小時世尊欲重宣此義而說偈言
優婆塞律儀 住於解脫戒 雖與二乘共

不名摩訶薩

若修於空法

不依於世間

亦不依諸有

智者護淨戒

不取於戒相

清淨離諸漏

如是護戒者

最勝之福田

佛說大方廣十輪經忍辱品第十二

復次善男子云何名菩薩摩訶薩發大莊嚴
具足忍輪若菩薩成就此輪者從初發意能
除五欲堪為聲聞辟支佛作大福田亦為眾
生尊重恭敬供養守護善男子菩薩摩訶薩
忍辱有二種一者世間二者出世間又菩薩
有漏忍者則受諸有亦不能無眾生之相依
止果報依止功德亦名住色聲香味觸忍亦
名羸劣忍無所堪忍非愍念眾生而修行忍

但是諂曲悅彼故忍不為安樂衆生故忍如
是忍者則與聲聞辟支佛同非大莊嚴亦非
菩薩但有假名如是菩薩終不堪任為諸聲
聞辟支佛作大福田是名菩薩世間忍輪云
何名菩薩以大莊嚴出世間忍為諸衆生故
修行於忍而不染著若於一切所作事務言
語相貌音聲名字聖所住處皆悉隨順而不
捨於三結三受三相三世三有三業如是等
事悉不依止心恒寂滅而修行忍是名菩薩
出世間忍輪善男子菩薩摩訶薩成就如是
大莊嚴忍輪從初發心常離五欲是諸菩薩
摩訶薩能為聲聞辟支佛作大福田為一切衆

生守護供養尔時世尊欲重宣此義而說偈言
 此忍說二種 有相及無相 有相修行忍
 智者所不貴 有相說三業 即依於忍聚
 是名有漏忍 非是大人相 於四顛倒中
 修於無著忍 寂滅於三業 是忍為最勝
 滅於一切行 不依相無相 心猶如虛空
 是忍為最勝 衆生皆一相 諸法空寂滅
 心無有所著 是忍最大利

大方廣十輪經卷第七

吊

塊石

上傾對

踐

音賤也

輓

尼展反也

溢

夷一

清澈

下直

輦輿

上力

展反

音余

夜... 豕... 大... 豕... 會... 豕... 豕...

豕... 豕... 豕...

豕... 豕... 豕...

豕...



猪飼順良寄附

